



Mónica González Pavón, vicesecretària-interventora deth Conselh Generau d'Aran,

CERTIFIQUI:

Qu'eth Conselh de Govèrn, en session extraordinària de 28 d'agost de 2026, adoptèt, entre d'auti, er acòrd següent e que transcrit literaument ditz:

"1èr.- APROBACION, SE PROCEDÍS, DETH PLEC DE CLAUSULES ADMINSTRATIVES PARTICULARES, DER EXPEDIENT DE CONTRACTACION E DERA LICITACION DES SERVICIS DE "MANUTENCION E LOTJAMENT DES MEBRES DETH CENTRE ESPECIALIZAT DE TECNIFICACION D'ESPÒRTS D'IUÈRN (CETEI) DERA VAL D'ARAN" MEJANÇANT PROCEDIMENT DUBÈRT SUBJÈCTE A REGULACION ARMONIZADA, DAMB TRAMITACION ORDINÀRIA [DEPARTAMENT D' ESPÒRTS].- (Exp. num. 3106-0005/2026)

Vista era memòria justificativa deth Mgfc. conselhèr d'Espòrts, ena quau se da compde deth besonh de realizar eth contracte des servicis de "*Manutencion e lotjament des membres deth Centre Especializat de Tecnificacion d'Espòrts d'Iuèrn dera Val d'Aran*" pes motius que seguissen:

1. Eth Conselh Generau d'Aran, en airau des competències assumides en matèria d'esports e torisme, signèc en an 2005 un convèni damb eth *Consell Català de l'esport* e era *Federacion Catalana d'esports d'iuern*, entath desenvolopament deth *Centre de Tecnificacion d'Esports d'Iuèrn dera Val d' Aran*, en tot acuelher programes oficials d'esquí aupin de Catalunya.
2. En madeish context, en an 2008 se desenvolopen es programes d'esport adaptat de nivèu paralimpic des federacions espanhòles de persones damb discapacitat fisica. En deseme de 2011 eth *Consejo Superior de Deportes* reconeish eth projècte coma "*Centre especializat de tecnificacion en esports d'iuern*", en tot éster eth Conselh Generau d'Aran titular dera sua gestion.
3. Un des servicis imprescindibles entath desenvolopament des programes esportius ei eth lotjament e manutencion des esportistes e tecnicos, e qu'eth Conselh Generau d'Aran, coma administracion publica titular deth centre, non dispausa der espaci e personau necessari.
4. Entà dar compliment a çò dispausat ei de besonh adjudicar era prestacion deth servici de lotjament e manutencion des membres deth centre especializat de tecnificacion d'esports d'iuèrn dera Val d'Aran, damb es foncions que se relacionen en expedient.

Vist eth Decret de Sindicatura num. 0457/2026 de 20 d'agost, en quau se demane informe per part dera Secretaria Generau e dera Intervencion de Hons.





Vist er informe favorable, damb observacions, de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament deth servici a contractar ei previst ena aplicacion pressupostària num. 2026/01.341.227.99 deth pressupòst generau vigent entar exercici 2026.

Cossent damb çò que dispausen es articles 17, 25, 28, 116, 117, 118.1, 122, 156 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion deth servici nomenat, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des tres (3) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion des servicis de "*Manutencion e lotjament des membres deth Centre Especiazat de Tecnificacion d'Espòrts d'luèrn dera Val d'Aran*", plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst annau de dus cents ueit mil cinc cents trenta dus euros damb seishanta un centims (208.532,61 €), IVA includit, damb eth desglossament següent:

- Cent ueitanta nau mil cinc cents setenta cinc euros damb dètz centims (189.575,10 €) en concèpte de pressupòst net e,
- Dètz-e-ueit mil nau cents cinquanta sèt euros damb cinquanta un centims (18.957,51 €), en concèpte d'IVA ath 10%

Dusau.- Aprovar er expedient entara contractacion des servicis de "*Manutencion e lotjament des membres deth Centre Especiatzat de Tecnificacion d'Espòrts d'luèrn dera Val d'Aran*" mejançant procediment dubèrt subjècte a regulacion arminitzada, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.



Tresau.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant e en DOUE en tot daurir en aguest moment eth tèrme de trenta cinc (35) dies naturaus entara presentacion d'aufèrtes, cossent damb çò que dispausa er article 156 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatz deth sindic accidentau.

Vielha, *signat electronicament*

Vist e platz
Eth sindic accidentau

Francisco Bruna Capel